



**Claudii Fleurii Abbatis Historia Ecclesiastica**

Ab anno Christi 1601. usque ad annum 1605

**Fleury, Claude**

**August. Vind. [u.a.], 1776**

**VD18 90118790**

§. 196. Diversa Anglorum judicia de hac Regis oratione.

---

[urn:nbn:de:hbz:466:1-67204](#)

**Sæc. XVII.** *fenestra cordi meo esset præfixa, per quam  
A. C. 1605. intima mei animi penetralia & cogitationes  
omnium oculis subjicerentur; sic enim pro-  
fecto omnes perspicerent, nullam ex hoc  
etio in animo meo alterationem extitisse,  
duo tantum posthac mihi diligentius posse  
incumbendum existimo, primum ut tanta  
iniquitatis mysteria, quantum fieri potest,  
eruantur, deinde ut rei, qui comperti fu-  
rint, ea qua pars est, severitate puniantur.*

Absoluta hac oratione Rex conve-  
tum denuo ad vigesimam primam Ja-  
nuarii diem distulit, ut coniurationis  
conscii interea perquiri, poenitque pro-  
meritis affici possent.

### §. CXCVI.

#### *Diversa Anglorum judicia de ha- Regis oratione.*

*Rapin Tho-  
ras hist.  
d'Angl. l. 18.* **H**unc Regis sermonem summo ap-  
plausu excipiebant Aulici, ad sy-  
dera usque extollentes Jacobi I. Sapien-  
tiam, justitiam, æquitatem, animique  
magnitudinem: præcipue vero com-  
mendabant, quod licet una ex parte odio,  
quo sufflantibus Ministellis in Catholicos  
exarserat, stimulatus, altera vero ex par-  
te æQUITATIS suique officii legibus arcta-  
tus esset, maluerit tamen Catholicorum  
Religionem vindicare, cautione adhibita-  
ne innocentes cum fontibus confunde-  
rentur.

rentur. Non tamen eadem erat Puri- Sæc. XVII.  
A. C. 1605.  
tanorum sententia, qui non modo re-  
giam sollicitudinem pro innocuis Ca-  
tholicis ægerrime ferebant, sed præci-  
pue abominabantur differentiam, quam  
inter Religionem Romanam & Purita-  
norum sectam statuerat, asserens, quod  
fides Catholica non obsit, quo minus  
eius membra adhuc fideles permaneant  
subditi, econtra autem Puritanorum  
secta in Regno bene stabilito toleranda  
non sit, uti in nupera oratione Rex af-  
feruerat, in hac vero, ut ceterorum  
Protestantium invidiam erga Puritanos  
mitigaret, haud contentus, quod eo-  
rum opiniones ad politicum Regimen  
minime spectantes detestatus esset, in-  
super illas flammis dignas censeret.  
Præterea non deerant alii, qui inter  
cetera observarent, quod Rex illam o-  
pinionem, quam flammis dignam asse-  
rebat, ac Puritanis adscriperat, æ-  
quiori jure eandem Catholicis quoque  
attribuere potuisset.

### §. CXCVII.

#### *Regis edictum pro vindicanda Prin- cipum innocentia.*

Interim varius populi rumor de con- *Juvenc. Hist.*  
flatæ conjurationis Authoribus, ac *Soc. l. 13.*  
consciis per urbem volitabat, quippe *p. 5 n. 48.*  
*Cont. Sleid.*

Z z 4

vulgi lib. 12.